

# KATTULLUTA INUUNERITTA – SAMMEN OM DET GODE LIV

Paarisap, Brugsenip, Pilersuisup aamma Pisiffiup akornanni suleqatigiinneq

UKIUMOORTUMIK  
NALUNAARUSIAQ 2023

– 2022-mi ukiumoortumik  
nalunaarusiamut ilassut



**Pilersuisoq**  
KNI-p ilagaa

**PISIFFIK**

**Brugseni**



# IMARISAI

<b>KATTULLUTA INUUNERITTA</b>	<b>4</b>
<b>SULEQATIGIINNERMI INGERLANNEQARTUT</b>	<b>6</b>
<b>ANGUSAT</b>	<b>18</b>
2023-MI PAARNANIK NAATITANILLU QERISUNIK TUNISAQARNEQ	18
2023-MI PAARNANIK NAATITANILLU NUTAANIK TUNISAQARNEQ	20
NIOQQUTISSANIK MATUERSAASERFIMMIK ILISARNAATILINNIK 2023-MI TUNISAQARNEQ	20
TUNISAANERPAAT 30-T: NIOQQUTISSAT TUNISAANERPAAT	22
ATUISUNIK MISISSUINEQ	24
<b>2024-MUT ANGUNIAKKAT</b>	<b>26</b>

## Kolofoni:

Kattulluta inuuneritta –  
Sammen om det gode liv

Ukiuootumik nalunaarusiaq  
2023 - 2022-mi ukiuootumik  
nalunaarusiamut ilassut

Piginnittussaaneq: Paarisa  
Februaari 2024

Assit:

Saqqaa tunualu:

Carlo Lukassen - Tarrat Pictures.

KNB Marketing: 5, 8, 10-11, 22.

KNI Marketing: 12-13.

Pisiffik Marketing: 2-3, 14-15.

Paarisa / Christian Sølbeck: 17.

Assiliartai, ilusilersorneqarnera:

irisager.gl

Nutserneqarnera: Mukup

Communications & Translations





PISIFFIK

Bruoseni

## KATTULLUTA INUUNERITTA

Suleqatigiinnermi 2022-mi 2023-milu angusagut tulluusimaarutigeqaagut, tassani ataatsimut anguniagaqarluta suleqatigiikkutta angusarissaarsinnaasugut takutinneqarluni.

Ersarissumik anguneqarsinnaasumillu anguniagaqarnitsigut pitsaasumik allanguinermik pilersitsivugut. Piginnaasat, isumalluutit ilisimasallu akuleriisinnerisigut iluatsipparput. Immikkut angusinnaasatsinnit ataatsimoornikkut angusaqarneruvugut.


Assersuutigalugu paarnanik naatitanillu qerisunik taamaallaat tunisaqarnerunikkut inuit peqqissusaanni qaangerniagassat aaqqiissutissarsinnaanngilagut, kisianni nioqqutissanik peqqinnartunik tunisaqarnerup siuarsarnissaanik suleqatigiinni tamakkiisumik anguniagaqarnitsinnut tamanna alloriarneruvoq. Alloriarpugut angusallu siulliit takutippaat aqqtissarput eqqortuusoq. Sulinerup ingerlateqqinnissaanut tamanna pingaarutilimmik kajumissaataavoq. Ukiumoortumik nalunaarusiami matumani 2023-mi ukkataqarfigineqartussat ataatsimullu angusimasatta inerneru, kiisalu peqqissutsimik siuarsaanermik 2024-mi sulissutigisassatut aalajangiussimasavut ilisaritinneqarput. 2023-mut ukiumoortumik nalunaarusiaq 2022-mi ukiumoortumik nalunaarusiamut ilassutitut atuarneqassaaq, tassani suleqatigiinnerup tunngavia inernerusullu siulliit nas-suarneqarlutik.





# SULEQATIGIINNERMI INGERLANNEQARTUT

## 2020-2022



## 2023



## ATAATSIMUT ANGUNIAKKAT

Suleqatigiit kvartalikkaartumik killiffik pillugu ataatsimiittarput, tassani suleqatigiinneq peqqinnissamullu iliuuserineqartut oqaluuserineqartarlutik iliuuserisattalu qanoq sunniuteqarnerat qimerloorlugu. Illuatungeriit tamarmik immikkut peqqinnissamut iliuusaasa sunniutaannik uuttortaaniisaaq isumaqatigiissutigineqarpoq. Pisisartut nioq-qutissanik peqqinnartunik pisiniarnerannik uuttortaaniikkut taamaaliorpugut. Paarnanik naatitanillu qerisunik nutaanillu kiisalu nioq-qutissat matuersaaserfimmik ilisarnaatillit tunisat amerlassusaat kisitsisillu niuertarfinnit tamanit Paarisamut 2023-mi kvartalikkaartumik nalunaarutigineqartarput, taakkulu katersoriarlugit ataatsimiinnerni saqqummiunneqartarlutik. Inernerusut ukiumoortumik nalunaarusiami matumani kingusinnerusukkut saqqummiunneqassapput.



## ATAATSIMUT ILISARNAAT

Suleqatigiinneq ataatsimoortumik ilisarnaateqarpoq niuerniarnermi koorimik nioq-qutissanik peqqinnartunik imalimmik assiliartaqartumik allaqqallunilu: Kattulluta inuuneritta – Sammen om det gode liv.

Ilisarnaatip niuerniarnermi peqqinnartumik toqqaanissaaq ajornannginnerulersissavaa neqeroorutunut quppersakkani pisiniarfinnilu nioq-qutissanut peqqinnartunut aqutis-siuussinikkut. Innuttaasunut oqariartuutaavoq: Ilisarnaat niuerniartillutit maliguk. Suleqatigiinnermi ataatsimik takorluugaqarluta qanoq suleqatigiinnerput - ulluinnarni unammilleqatigiikkaluarluta - ilisarnaatip aamma takutippaa.

Suleqatigiinnerup iluani attaveqaqatigiinneq ataatsimullu ilisarnaat pillugit suleqatigiinnermi aamma ukkatarivarput. Brugsenimi Pilersuisumilu sulisut ataatsimut ilisarnaammik sullisiminni saqqarmioqartut akornanni 2023-mi paasititsiniaasoqarsimavoq. Suleqatigiit 2024-mi assingusumik Pisiffimmi, Pilersuisumi Brugsenimilu aamma paasititsiniaaniarput, allagartannguaq suleqatigiinnermut takorluugaq pillugu nassuiaatitalik ataatsimullu nukittunerunitsinnik takutitsisoq sulisunut aamma tunniunneqassalluni.

# SULINIUTIT

Suleqatigiinni ataatsimut  
sammineqartut saniatigut  
suleqatigiinni peqataasut  
immikkut iliuuseqarsimapput.



## BRUGSENI

Kalaallit Nunaanni niuertarfiuvugut akisussaassuseqartoq suleqatigiinnermilu nuna tamakkerlugu inuit peqqinnerulernissaannik siunertaqartumi ilaernerput tulluusi-maarutigalugu. Suleqatigiit aallarteqqaarneraniilli ataatsimoorluta angusarissaar-nerunissatsinnut iliuuseqarnernut peqataanissarput Kalaallit Nunaanni Brugsenimit kissaatigaarput.

Suleqatigiinneq "Kattulluta inuuneritta" innuttaasut peqqissusaannik suliaqarnermi immikkuullarilluinnartumik pilersaarusiortluta anguniagaqarlutalu sulinissatsinnut aqqutissaqalersitsivoq, sammisami suliasarujussuartut ilaannilu imungarujussuartut isigineqartaraluartumi. Kalaallit Nunaanni niuertarfiit annersaasa Paarisallu akornanni suleqatigiinnerup immikkuullarilluinnartunik periarfissaqalersitsineratigut nioqqutis-sat immikkoortut ataatsimoorluta iliuuseqarfigniarlugit aalajangersimasatsinni innut-taasut pisiniariaasiisa ilorraap tungaanut ingerlanerani ukiualunnguit ingerlanerinaani takusinnaalerparput.

2023-mi suleqatigiinneq ukkataringaatsiarparput, pingaartumik digitalimik tusagassi-utitsinni nutaani. Nittarsaassinerimik suliaqut assigiinngitsut aqqutigalugit ilaasorta-gut peqataatippagut, assersuutigalugu digitalimik pinnguaatit nuannersut suleqatigiin-nerlu pillugu paasititsiniaanerit aqqutigalugit. "Tunuata tungaaniit" aamma allaffissor-nermi qitiusumillu immikkoortortat amerlanerusut ilanngunneqarnissaat peqataatin-neqarnissaallu sulissutigaaqarput, taamaaliornikkut Kalaallit Nunaanni innuttaasut peq-qinnerulernissaat pillugu suleqatigiinnermut pilersaarusiaanerumik peqataasinnaas-salluta. Tamanna 2024-mi angusaqarnerunissatsinnik nassataqarniartussaassaaq.



2023-mi suliniutinik pingaarutilinnik suleqatigiinnermik ukkataqarnerulersitsisunik amerlanerusunik tapersuisinnaagatta nuannaarutigaaqarput. Meeqqat atuarianni suliniutip IGASAp siammarneqarnerunissaannik Paarisap UNICEF-illu suliniutaat iluat-silluarpoq ingerlanneqarlualunilu, tapersiinitisigullu suliniummik siuarsaaqataasin-naagatta nuannaarutigaaqarput. Siunissami assingusunik suliniuteqarnissaa qilanaarile-reerparput, suleqatigiinnitsigummi angusaqarlualarnerusartugut takoqqiinnarparput.

Siunissami suleqatigiinnermut tunniussassaqaarsinnaanissarput neriutigaaqarput, taamaaliornikkut ataatsimoorluta arlalinnik angusaqarlualarnerusinnaassagatta.

- Suleqatigiinneq "Kattulluta inuuneritta" Kalaallit Nunaanni piviusumik allannguini-samut immikkuullarissumik periarfissaavoq. Angusat ataavartumik malinnaaffigalugit pissanganarpoq, Paarisallu akisussaassuseqarneq peqqinnartunillu toqqaaneq pillu-git misigisassarpassuaqarnissamik periarfissiisunik angisuunik aqqissuussisarneranut tapersuisinnaasaratta tulluusimaarutigaaqarput, pisortaq Susanne Christensen oqaluttuarpoq.

- Kalaallit Nunaanni innuttaasut peqqinnerat niuernerq piujuartitsinerlu pillugit periu-sissiatsinni 2019-imili qitiusumik ukkatarisatta ilagivaat, sulinitallu inerititaqarsima-nerannik takunnissinnaaleratta nuannaarutigaaqarput. Suleqatigiinneq uummaarissu-mik ineriartorpoq, pingaarutilimmillu aallarniinnermut, sulii aallarterlaajusumut, ta-matta peqataalluta. Brugsenimi suleqatigiinnermi qitiusumik suleqataasutut ukior-passuarni peqataassarnissarput ilaasortattalu pisisartuttalu nioqqutissamik peqqin-nernerusunik allanillu ukkataqarnerunissamik kissaateqarnerat ilutigalugu ineriartor-nermik iluaquteqarnissarput neriutigaarput. Suleqatigiinnermi unammilleqatigiullu-talu suleqatigiittut Kalaallit Nunaanni innuttaasut peqqinnerulernissaannik ukkata-qarnerup attannissaannut ataatsimoorluta aqqiissuteqarsinnaagatta allannguini-samut immikkuullarissumik periarfissaqarpugut, nittarsaassinermut attaveqarnermul-lu pisortaq Benny Reffeldt Otte oqaluttuarpoq.

Brugsenip piujuartitsinerimut periusissiaa Kalaallit Nunaanni innuttaasut peqqissu-saannut uummaarissumik suleqataanissamik pisussaaffeqarnissamik nassataqarpoq. Nunami siunissami iluaqutigineqartussamik tigussaasunik amerlanerusunik angusa-qarnissamut suleqatigiinneq tamanna aqqutissaasoq isumaqarpugut.







## KNI/PILERSUISOQ

Kalaallit Nunaat nukittunerusoq, mingutsitsinnginnerusoq imminullu napatissinnaanerusoq ineriartortissallugu KNI-mi annertuumik akisussaaqataavugut. Innuttaasuu-sugut peqqissuunitsinnik akisussaaftimmik nammineq tigusinissarput tamatumani piumasaqaatit ilagaat. Nunanut inuttullu ataasiakkaatut. Peqqissuuniksummi sulinis-samut, akisussaaftimmik tigusinissamut angusaqarusussuseqartunillu isumassarsior-nissamut nukissaqalissaagut. Peqqissusermut periusissiatsinni taamaammat pisisar-tut sulisullu timikkut tarnikkullu oqimaaqatigiissumik pitsaasumik inuuneqarnissaan-ut isummersuinissarput ukkataraarput.

### *Pitsaasumik oqimaaqatigiinneq*

Peqqissusermut periusissiarput, Pitsaasumik oqimaaqatigiinneq, peqqinneq pillugu sulinitinnik attaveqaqateqarnitsinnillu sammiviliisuvoq. Peqqissusermi nerisatsin-nut kalorianillu kisitsinermut taamaallaat tunngassuteqanngilaq - imminut inuuner-millu nuannarinninnermut aamma tunngassuteqarlunnarpoq. Peqqissuseq oqimaa-qatigiissumik inuuneqalernissamut kiisalu timikkut tarnikkullu inuunerissaarnissamut taamaammat tunngassuteqarpoq. Timigissarnek kiisalu naatitanik, aalisakkanik aserorterneqanngitsunillu karritanik nerisaqarnek peqqinnartuuvoq - kisianni qani-laarnek, ikinngutit isumalimillu ulluinnarni inuuneqarnek aamma taamak pingaa-riteqartigippat. Nammineq inuunitsinni oqimaaqatigiissitsinerup nassarinissaanut suut nuannarinerigut, soqutiginerigut, suaassuserput, ukiugut sumilu najugaqarner-put apeqqutaapput.

### *Peqqissusermut suliniuteqarnitsinni sulissutigaagut:*

Oqimaaqatigiissitsineq pillugu pisiniarfutitsinni 67-ini atortut kiisalu neqeroorutinut digitalimik quppersagatsinni aalajangersimasumik allagartaq atorlugit inuussutissaa-tivut peqqinnartut immikkut ukkatariuarsimavavut. Ulluinnarni nerisassiornermut ilitser-suutinik pisariitsunik peqqinnartunillu Mamarisavumi ataavartumik inerisaasar-pugut, taakkulu internettikkut inuit attaveqaqatigiittarfiini, Sermitsiami allagartani KNR TV-kkullu peqqissuseq pillugu paasititsiniaanitsigut ersarissartarlugit.

### *Mamarisavut.gl - kalaallit nerisassaativut*

Nunami sumiluunniit najugaqaraanni peqqinnartunik pitsaasunillu nerisaqarnissamut kikkut tamarmik pisinnaatitaaffeqartut isumaqarpugut. Mamarisavut.gl-imi nerisassi-ornermut silarsuarput aqqutigalugu ulluinnarni nerisassiornermut ilitser-suutinik ajor-nanngitsunik aamma nalliuttorsiornissamut, ileqqunut peqqinnartumillu inooriaase-qarnissamut isumassarsiorfissanik avitseqateqartarpugut. Nerisassiornermut ilitser-suutit pisiniarfitsinni tunngaviusumik nioqqutissaativut namminerlu pisisartakkatit aallaavigalugit katiterneqarsimapput. Nuna tamakkerlugu kikkut tamarmik nerisas-siornermut ilitser-suutit atorlugit taamaammat nerisassiorsinnaapput.

### *Pipaluup Nerisassiorfarfia meeqqanut*

Pipaluup Nerisassiorfarfia Mamarisavut nerisassiornermut meeqqanut silarsuaraa. Tassani meeqqat iluatannissamut shake-iliorsinnaapput aalisakkanik nuggets-iliortutik nuannersunillu pinnguarlutik. Peqqinnartumik ileqqoqalernissamut pitsaasumik tun-ngavissaqaliitigalutik.

Nerisassiorfarfimi ajornanngitsunnguanik nuannersunillu nerisassiornermut ilitser-suutit atorlugit nuannersumik nerisaqarnek ukkatarineqarpoq. Meeqqammi nerisas-siassanik oqattaarigunik, naamagunik misigigunillu nerissanut pissusissamisoortu-mik inuunermi sinnerani atugassaminnik soqutiginnilissapput.





## PISIFFIK

Pisiffimmi inuiaqatigiinni ullut tamaasa allanngortikkusutarput uatsinniissasoq isumaqarpugut - ingerlallugulu. Inuit amerlanerusut peqqinnartumik nerisaqarlutillu nerisassanik eqqaanaveersaarnissaannik suliniutivut Pisiffimmi kisimi iluaqutaanisaanik kaaviiartaqarnerunissamillu tunngassuteqanngilaq; inuiaqatigiinni ajornartorsiutinik pisariusunik aaqqiinissamik tunngassuteqarneruvoq. Ajornartorsiutit pisariusut aalajangiisuuffigalugillu piviusumik allannguiffigisinnaasagut.

Pitsaanerulersitsiniarluta allannguissagutta nammineq iliuuseqartariaqarnerput piviusuvoq naleqqussagassaq. Ajornartorsiutimmi pisariusut aaqqiissutissarsissaanni isit assaallu amerlanerusut pisariaqartinneqakkajuttarput. Inuiaqatigiinnilu peqqissuseq Pisiffimmit kisimi kivinneqarsinnaanngilaq. Suliaqartulli allat peqatigalugit ataatsimut pisinnaavugut. Suliaqartut allat ataatsimoorussamik naleqartitanik assinginik peqartut. Suleqatigiinneq tamatumunnga assersuutitsialaavoq - tamannalu suleqatigiinnermut peqataanitsinnut aalajangeeqataasumik tunngaviuvoq isumalutuinillu tuniorartuarlugulu.

Pisiffiup isaanit suleqatigiinneq iluatsereerpoq. Kalaallit tuniniaasut arlaqartut suleqatigiinnissamik isumaqatigiissuteqarfigaavut najukkanilu tuniniaasut amerliartuinartut attaveqarfigisarpaatigut pilersarusiukkamik suleqatigiinnissamik isumaqatigiissuteqarusuttunik. Angusat pitsaalluinnarlutillu ajasoornaqaat. Tassungalu unisannngilaq. Nittarsaassinermik suliaqatigut ingerlaannassapput. Akit pisisartunut soqutiginarnerat attanneqassaaq. Oqaatsit tunngavissaqarnerat pisiniarfanni pisisartut misiqinnersinnaassapput. Pisisartutta sapaatit tamaasa anguniakkatsinnik pimoorussinerput malugisinnaavaat. Taamaalillutik pisisartutta -25%-imik matuersaaserfimmik ilisarnaatillit pillugit paasititsiniaaneq tigulluarnerujartorpaat. Kisianni angusaqarusussuseqarpugut iluatsinnerinnartullu taanngilarput. Suli angusaqarusunneruvugut - oqariartuut amerlanerusunut apuutissaaq innuttaasullu sianissusaanniilerluni. 2024-mi taamaamat paasititsiniaanermik aallartissaaq, amerlanerusut sapaammi nioqqutissanik matuersaaserfimmik ilisarnaatilinnik -25%-imik pissarsiumallutik pisiniafittinnukarnissartik salliuttalerniassammassuk. Peqqissuseq Pisiffimmi 2024-mi nalinginnaasumik initussaaq. Suliniutinik pingaartitatsinnik pingasunik suliaqassaaq, suliniutit ilaanni ataatsimi inuiaqatigiinni paarnanik, naatitanik vitamininillu nerisaqarnerannik ukkataqarnerussalluta. Pilersarusiornerlu aallartilluareerparput!



Sulisugut paarnanut naatitanullu immikkoortortanik kajuminnarnerusunik pilersitsinnermut ilinniarteruttorpavut. Pisiniafittitsinni tamani "karsit-nerisassanik eqqaaneq unitsilli" pilersippavut. Paarnanik naatitanillu qerisunik arlalinnik neqerooruteqarnek ingerlapparput. Ukiup ingerlanerani najukkami kalaallit tunisassiaannik pisisartutta pisinnaanissaat qulakkeerparput, tamatumunnga ilanngullugit naatsiat, akuutissat ruallu kujataaneersut. Suliniutit tamarmik suleqatigiit tamakkiisumik anguniagaanun tunngassuteqartut. Tunisat annertunerulersinniarlugit, taamaalillutalu kissaatigisatsitut allannguinnermut peqataajumalluta immitsinnut qiviarnissarput pingaaruteqarpoq. Suut pikkorinnerulerfigisinnaanerigut suullu iliuuseqarfigisinnaanerlugit misissornissaat taamaamat eqqumaffiginerulissavarput. Suleqatigiinnerlu tamatumunnga atorussarput: niuertarfeqarnermik ingerlataqartut allat siunnersoqatigalugit. Pisiffimmimi Kattulluta inuuneritta maligassiusutut allanit tamanit allannguerusuttunit malitassatut isigaarput: ataatsimoorluta angusaqarsinnaaqaagut. Kisimiiluta angusinnaasatsinnit annertunerusunik. Allannguinnissamik kissaateqarnitsinnik atuutsitsinitsigut ingerlatsinitsigullu inuiaqatigiinnik peqqinnerusunik pilersitsinnaanerput upparaarput. Tamannalu ukiumi aggersumi piviusunngortinnerunissaa qilanaarivarput.





## PAARISA

Paarisa suleqatigiinnermi ataqatigiissaarisuuvoq. Tassunga atatillugu suliaassani pingaarnert ilagaat ataatsimiinnerit piareersarnissaat suleqatigiinnermilu oqaloqatigiilluarnerup siumullu ingerlanerup qulakkeernissai.

Suleqatigiinnermi periarfissaqarneq aallaavigalugu suliuarnissaq qulakkeerniartuarparput. Aallartikkusutagut illuatungeriillu akornanni suleqatigiinnermi pilersissinnaasagut ukkataraagut.

Tamatuma saniatigut Paarisa ataatsimiinnissanut aggersaasarpog, imaqarniliorluni kisitsisunik piniarluni kiisalu iliuuserineqartut inernerusullu ilaatigut ukiumoortumik nalunaarusiami matumani atuarneqarsinnaasut uppernarsaatit sinnerinik piniarluni.

Ukiup siuliani atuisartut pisiniariaasiat suleqatigiinnermillu ilisimasaqarnerat pillugit atuisartunik misissuinerup inerisarneqarnissaa, misissoqqissaarneqarnissaa paasisutissallu tusarliunneqarnissaa isumagivarput- Ilutigitillugu 2023-mi suleqatigiinnermut ukiumoortumik nalunaarusiamik matuminnga peqataasunit ilanngussiffigineqartumik Paarisa suliaqarpoq.

Suleqatigiinnermi anguniakkanut oqariartuutinullu ikorfartuisussanik paasisutissiinerinik assigiinngitsunik Paarisami aamma suliaqarpugut. Ilanggullugit Vlogs-it peqqinneq pillugu oqariartuuteqartut 2023-mi saqqummersinneqarput. Vlogs-it taakku suleqatigiit internettikkut inuit attaveqaataasigut aqqaallu akornanni agguanneqarsimapput. Nerisassiornermut ilitsersuutinik ajornanngitsunik peqqinnartunillu ukkataqarluni NERISA videot pillugit attaveqaqatigiinneq Paarisamit aamma isumagineqarpoq. Taakku peqataasut akornanni 2024-ip aallartinnerani agguanneqassapput. Pingaartumik kinguaariinnut maanna amerliartortunut peqqinnerusumik atugarissaarnerusumillu siunissaqarnissamik ataatsimut takorluukkamut innuttaasut peqataatinneqarnissaanut tamanna ilaavoq.



Tamatumunnga ilanngullugu Paarisa Unicef Kalaallit Nunaat suleqatigalugu nerisassat, pinnaatitaaffiit ataatsimoorfiillu pillugit meeqqanut workshop IGASA inerisarneqarlunilu misilerarneqarpoq. Periaaseq suleqatigiinnerup Kattulluta inuunerup ataani suliniutit 2023-mi siammarterneqarpoq, IGASA pillugu suleqatigiinnermut Royal Greenland ilaalluni. 2023-mi suleqatigiinnissamik aamma isumaqatigiittoqarpoq taannalu 2026-p tungaanut ingerlassalluni. Paarisap peqataasullu sinnerisa taamaammatt periaatsimik siammarterinermik suliaqarnertik ingerlatiinnassavaat, nuna tamakkerlugu meeqqat inuusuttut amerlanerusut peeqataasinnaaniassammata. Nuna tamakkerlugu IGASA siulleq ulloq 10. maaji 2023 ingerlanneqarpoq 2024-2026-mi novembarip aallaqqaataani ingerlanneqartassalluni.

Paarisami pitsaaliuinerinermik peqqissusermillu siuarsaanermik ataavartumik suliniuteqartoqarpoq innuttaasut peqqissusaat pillugu suliniut Inuuneritta III aallaavigalugu. Periaaseq najukkani nukittoqutit naleqartitallu tunngavigalugit ataatsimoornerinermik pitsaasunik nukittorsaavoq. Taamaaliornikkut pingaartumik kinguaariinnut maanna alliaartortunut peqqinnerusumik atugarissaarnerusumillu siunissaqatigiinnermi ataatsimut takorluukkamut Paarisa ikorfartuivoq. Paarisami pitsaaliuinerinermik peqqissusermillu siuarsaanermik suliaqarnermi kulturimut naleqqussarlugu peqqissusermik nassuiaammik paasinninneq tunngavigineqarpoq: Timi, tarneq aamma anersaaq, taakkunani peqqissuseq, atugarissaarneq ilorrisimaarnerlu tassaallutik peqqissusitsinni isumaqartitatsinnik oqimaqatigiissitsineq.



# ANGUSAT

**SULEQATIGIINNEQ 2020-2030-MI TAMAKKIISUMIK ANGUNIAKKAT:**  
Nioqqutissani toqqagassani inuussutissat peqqinnartut  
nioqqutigineqartut amerlanerpaanngornissaat.

Paarnat naatitallu qerisut, paarnat naatitallu nutaat, kiisalu nioqqutissat matuersaaserfimmik ilisarnaatillit tunisarineqarnerisa siuarsarneqarnissaat suleqatigiinnerup 2023-mi anguniagaraat. Pisiffik, Brugseni Pilersuisorlu kvartalikkaartumik kvartalimi kisitsisinik tunisallu kisitsisaannik Paarisamut nalunaaruteqartarput. Kisitsisit taakku tunngavigalugit peqataasunit tamanit katillugit kisitsisit Paarisamit naatsorsorneqarsimapput. Immikkoortuni pingasuni tunisat 2022-mut sanilliullugit qaffariarnerat procentingorlugit kisitsisini takutinneqarpoq.

Inernerusut immikkoortuni pingasuni ataani saqqummiunneqarput:

## 2023-MI PAARNANIK NAATITANILLU QERISUNIK TUNISAQARNEQ

2022-mi tunisagarluarneq 2023-mi patajaatsumik attanneqarpoq

Paarnanik naatitanillu qerisunik tunisagarneq ukiup siulianut sanilliullugu 2023-mi pingaartumik kvartalit pingajuanni 5%-imik qaffariarpoq.

5%

2022-MI  
AALLAAVIK: 100

2023-MI KVAR-  
TALIP AAPPAANI  
KISITSISIT: 103

2023-MI  
KVARTALIP  
SISAMAANI  
KISITSISIT: 96

2023-MI  
KVARTALIP  
PINGAJUANI  
KISITSISIT: 105

2023-MI  
KVARTALIMI  
SIULLERMI  
KISITSISIT: 100

2023-MI KISITSISIT  
KATILLUGIT: 100



## 2023-MI PAARNANIK NAATITANILLU NUTAANIK TUNISAQARNEQ

Paarnanik naatitanillu nutaanik tunisaqarneq ukiup siulianut sanilliullugu 2023-mi 1%-imik qaffariarsimavoq.

Paarnanik naatitanillu nutaanik tunisaqarneq ukiup siulianut sanilliullugu 2023-mi pingaartumik kvartalit pingajuanni 7%-imik qaffariarpoq.

7%

2022-MI  
AALLAAVIK: 100

2023-MI  
KVARTALIP  
AAPPAANI  
KISITSISIT: 107

2023-MI  
KVARTALIP  
SISAMAANI  
KISITSISIT: 98

2023-MI  
KVARTALIMI  
SIULLERMI  
KISITSISIT: 103

2023-MI  
KVARTALIP  
PINGAJUANI  
KISITSISIT: 102

2023-MI KISITSISIT  
KATILLUGIT: 101

## NIOQQUTISSANIK MATUERSAASERFIMMIK ILISARNAATILINNIK 2023-MI TUNISAQARNEQ

Nioqqutissanik matuersaaserfimmik ilisarnaatilinnik tunisaqarneq ukiup siulianut sanilliullugu 2023-mi 2%-imik qaffariarpoq.



Nioqqutissanik matuersaaserfimmik ilisarnaatilinnik tunisaqarneq ukiup siulianut sanilliullugu 2023-mi pingaartumik kvartalit aappaanni 5%-imik qaffariarpoq.

5%

2021-MI  
AALLAAVIK: 100

2023-MI  
KVARTALIP  
AAPPAANI  
KISITSISIT: 105

2023-MI  
KVARTALIP  
SISAMAANI  
KISITSISIT: 99

2023-MI  
KVARTALIMI  
SIULLERMI  
KISITSISIT: 103

2023-MI  
KVARTALIP  
PINGAJUANI  
KISITSISIT: 104

2023-MI KISITSISIT  
KATILLUGIT: 102





## TUNISAANERPAAT 30-T: NIOQQUTISSAT TUNISAANERPAAT

Tamakkiisumik anguniakkanut ineriartorneq malinnaaviginiarlugu nioqqutissat suut tunisaanerpaanersut Suleqatigiinnerup uuttortartarniarpai. Nioqqutissaqatigiiaat 2023-mi tunisaanerpaat 30-t katinnerat nalunaarsuiffimmi ataaniittumi takuneqarsinnaavoq. Brugseni, Pisiffik Pilersuisorlu tamarmik immikkoorlutik nioqqutissani 2023-mi Tunineqarnerpaat 30-nik nalunaaruteqarsimapput. Nioqqutissat taakku nioqqutissaqatigiiaanuk kingorna immikkoortiterneqarsimapput. Katillugit Tunineqarnerpaat 30-t ataatsimoorluni pointilersueriaaseq tunngavigalugu naatsorsorneqarsimapput, nioqqutissaq Tunineqarnerpaat 30-ni tunineqarnerpaasimasoq 30 pointinnalluni tullia 29 pointi il.il. Nagga-taatigut nioqqutissaqatigiiaani tamani pointit katinnerat naatsorsorneqarsimapput.

2022-mi Tunineqarnerpaat 15-it allattorpavut nioqqutinik peqqinnartunik peqqinnannginnerusunillu imaqartumik. Tunineqarnerpaat 15-it 2022-meersoq naapertorlugu (takuuk 2022-mi ukiumoortumik nalunaarusiaq) sodavandit immiaaqqallu nioqqutini tunineqarnerpaapput. Taamaattorli 2022-mi Tunineqarnerpaat 15-it allattorsimaffianni nioqqutissat peqqinnartut soorlu paarnat, naatitat aalisakkallu ilaanerit pitsaasuvoq. Kisianni nioqqutissanik tunisaanerpaanik nalunaarsuinermit siullermi takutinneqarpoq suleqatigiinnermi tamakkiisumik anguniakkap angunissaanut sulisuliassarujussuaqartoq.

2023-mi sodavandit immiaaqqallu nioqqutissani tunisaanerpaaqqipput. Aamma tupat/cigaretter tupallu (cigaretter ilanngunnagit) allattorsimaffimmi qullasissumiipput, ukioq mannaluu aamma takusinnaavarput imeruusaatit nukimmik akullit sunoorsillu nioqqutissani tunisaanerpaat allattorsimaffianniittut. Kisianni 2022-misut paarnat naatitallu allattorsimaffimmiinnerat ersarissarneqassaaq - ukioq manna normu 4-mi 9-milu. Tunineqarnerpaat 30-t takutippaat nioqqutissat peqqinnartut amerlanerulernissaannik sulissuteqarneq qanoq pingaaruteqartiginersoq. Suleqatigiinnermi 2024-mut anguniakkat immikkoortunik pitsanngorsarneqarsinnaasut ilaattut isigisatsinnik aallaaveqarput. Anguniakkat nalunaarusiap matuma naanerani saqqummiunneqarput.

- 1 Sodavandi
- 2 Immiaaraq
- 3 Tupa/cigaretter
- 4 Naatitat
- 5 Tupa (cigaretter ilanngunnagit)
- 6 Nerisassat kissariaannaat - iffiukkat
- 7 Immummik tunisassiat
- 8 Puussiaq
- 9 Naatitat
- 10 Sodavandi - sukkoqanngitsoq
- 11 Imeruusaat uummarissaatitalik
- 12 Nerisassat kissariaannaat - kioski
- 13 Manniit
- 14 Kaffi
- 15 Sunoorsi
- 16 Aalisarnermut atortut
- 17 Nerisassat karsimi
- 18 Aningaasanoorutit
- 19 Neqaarniamit nioqqutit
- 20 Imigassaq kimittooq
- 21 Mamakujuttut
- 22 Mamartuliat
- 23 Qapuk
- 24 Qallersuut
- 25 Qimminut nerukkaatit
- 26 Chipsit
- 27 Iffiat - qaamasut
- 28 Imeq
- 29 Equutissiaq
- 30 Tyggegummi



# ATUISUNIK MISISSUINEQ

Internetsikkut inuit attaveqaataat atorlugit atuisunik illuatungeriit misissuinerat septembarimi 2023-mi siammartinneqarpoq. Tassunga atatillugu koorit tunissutit pingasut nioqqutinik peqqinnartunik 1.000 kr.-nik nalilinnik imallit eqqugassaritineqarput. Misissuineq qaammingajak ingerlanneqarpoq ajugaasullu pingasut oktobarip naanerani makinneqarlutik.


Atuisunik misissuineq nuna tamakkerlugu 590-init akissuteqarfigineqarsimavoq.



## SULEQATIGIINNEQ ILISARNAALLU PILLUGIT ILISIMASAQARNEQ

Atuisunik misissuinerup takutippaa aperineqartuni 43%-it suleqatigiinnermut ilisarnaat takusimallugu qanorlu isumaqarnera ilisimallugu akisimasut, tamannalu 2022-mit siuariarneruvoq (38%). Amerlanerpaartaat (71%) tassunga akissuteqarput ilisarnaatip tunuani suliffeqarfiit ilisimagitsik.

### Ilisarnaat qanoq isumaqartippiuk?



## MATUERSAASERFIMMIK ILISARNAAMMIK ILISIMASAQARNEQ ATUINERLU


Atuisunik misissuinermi 47%-ii akissuteqarput matuersaaserfimmik ilisarnaat qanorlu isumaqarnera ilisimagitsik. Taakkunannga 33%-ii akissuteqarput sapaatip-akunneranut arlaleriarlutik nioqqutissanik matuersaaserfimmik ilisarnaatilinnik nerisaqartarlutik. 54%-ii akissuteqarput nioqqutissat toqqarneqarsinnaasut naammattut, kisianni nioqqutissanik taakkuninnga pisinissaminnut ilaatigut akii aalajangiisuusut.



## PERUSUNNERUSAT NIUERNIARNERMILU ILEQQUT

Atuisut oqaatigaat paarnanik naatitanillu nutaanik qerisunillu pisiniaraangamik akikitsut, pitsaassut, nioqqutissat meeqqanut/ilaqutariinnut tulluurtut, peqqissuseq mamarisallu immikkut pingaartittarsik. 63%-ii akissuteqarput sapaatip-akunneranut arlaleriarlutik paarnanik naatitanillu qerisunik nerisaqartarlutik. 62%-ii aamma akissuteqarput sapaatip-akunneranut arlaleriarlutik paarnanik naatitanillu nutaanik nerisaqartarlutik.

Atuisartut oqaatigaat 'akit', 'toqqagassat amerlanerusut', 'pissarsiarineqarsinnaasut' aamma 'nerisassiornermut ilitsersuutitut isumassarsiat' paarnanik naatitanillu nutaanik qerisunillu nerisaqarmissamut pingaarutilimmik pissutaasut.





# 2024-MUT ANGUNIAKKAT

2024-mi suleqatigiinnerup nioqqutissat kaaviiartinneqartut annertunerpaartaasa inuussutissanik peqqinnartunik tunisinermeernissaa sulissutigeqqissavarput. Illuatungeriinnit aamma 2024-mi anguniagassat aalajangersimasut isumaqatigiissutigineqarput:

## ANGUNIAKKAT 2023-MEERSUT INGERLATEQQINNISSAAT:

Paarnanik naatitanillu qerisunik tunisinerup annertusinissaa

Paarnanik naatitanillu nutaanik tunisinerup annertusinissaa

Nioqqutissanik matuersaaserfimmik ilisarnaasikkanik tunisinerup annertusinissaa

Nioqqutissat tunineqarnerpaat 30-t allattorsimaffianni nioqqutissat peqqinnartut amerlinissaat

Suleqatigiinneq suleqatigiinnerullu ilisarnaataa pillugu ilisimasat annertusinissaat. Ilisarnaat pillugu qanorlu isumaqarneranik ilisimannittut 75%-inngornissaat siunertaavoq

Anguniagaq  
aallartinneqassasoq:  
IMERUERSAATINIK  
AALAKOORNARTOR-  
TAQANNGITSUNIK  
TUNISAQARNERUP  
ANNERTUSINISSAAT



#kattullutainuuneritta #sammenomdetgodeliv

